

■ *D. Manuel Abeledo López*

PREGOEIRO DA V FESTA DO VIÑO TINTA FEMIA



■ *CURRÍCULUM*

Naceu en Goiás (Lalín) o 5 de abril de 1945. É fillo dunha familia de agricultores e él mesmo traballou no campo mentras estudiaba. Estudiu no Seminario de Lugo e licenciouse en Filosofía e Letras na Universidade de Salamanca. Está casado e ten tres fillos.

Foi profesor de BUP e COU e director técnico do colexio privado “Liceo La Paz” de A Coruña dende 1973 a 1975.

Foi inspector técnico de Educación de Málaga de 1979 a 1984 e de Melilla de 1982 a 1984. Nesta vila española do norte de Africa foi profesor-tutor da UNED.

Foi subdirector xeral de Planificación, Profesorado e Centros da Consellería de Educación e Cultura da Xunta de Galicia de 1987 a 1991. Director Xeral de Transportes da COTOP de 1991 a 1994. Delegado Provincial de Agricultura de Pontevedra de 1994 a 1995. Presidente da Deputación de Pontevedra dende 1995.

O seu currículo complétase cun considerable número de cursos, seminarios, etc., fundamentalmente relacionados coa Educación, Organización e Dirección de Empresas e Dereito Administrativo, nuns casos como alumno e noutros como ponente.



SAÚDA PARA A FESTA DO VIÑO TINTA FEMIA

D. Manuel Abeledo López
Presidente da Deputación de Pontevedra

A vinculación da parroquia de Cela coa festa ven de lonxe. Así, ó menos, pode deducirse tras ollar a curiosa figura que toca unha zanfona, grabada nunha canaleta da porta principal da súa eirexa románica do século XII.

E a festa lígase co viño, isa sangue do corazón da nosa terra como lle chamaba o vate Cabanillas. E falar de viño é falar de pazos e de mosteiros. Dúas cousas das que Bueu anda sobrado pois se hai indicios para pensar que xa dende o século VI había en Hermelo un mosteiro, os seus pazos (Casal, Ouril, Santa Cruz...) revelan un pasado de riqueza e sensibilidade.

Esta tradición festeira de Cela ten o seu exponente nos tempos actuais na romaría de San Lourenzo, nas súas festas patronais, na Festa do Carme, na dos mozos, e, sobre todo, na Festa do Viño Tinta Femia, unha das dúas variedades máis singulares (a outra o albariño) dos viños da comarca. Uns viños que gozan da merecida fama como complemento perfecto dos produtos da terra, do peixe, dos mariscos e, sobre todo, dise manxar, o pulpo, que tén en Bueu a súa cuna e a súa capital.

Exaltacións como a Festa do Viño Tinta Femia son fundamentais. Non só para fomentar o seu cultivo, o seu consumo e a súa promoción senón tamén para conquistar cada día máis altas cotas de calidade. Sabido é que nun mundo de economía globalizada e liberalización de mercados, a calidade é o único e grande requisito para competir e aínda para sobrevivir.

A Deputación de Pontevedra, como motor da economía provincial que é, e como garantía de equilibrio e de desenvolvemento territorial que lle establece como misión a Constitución, apoia, e apoiará sempre, toda canta iniciativa xurda que, sobre a base dunha tradición solidamente asentada, renove os seus contidos e os axeite ós novos tempos. Sobre todo, se ese impulso vai encamiñado a potenciar os nosos recursos, as nosas riquezas, a renovada tradición da nosa terra.

